

DEVELOPING 15–16-YEAR-OLD FOOTBALL PLAYERS WITH THE HAND AND FEET FOR MOTION GAMES

Ruzmetov Azizbek Tangirberganovich,

Teacher of UrSU

Rakhimova Munira Polvonboevna,

Teacher of Tashkent Medical Academy (Urgench branch)

Senior Lecturer of the National University of Uzbekistan Ruzmetov Rasul Tangirberganovich

Radical changes are taking place in the development of sports in our country. Taking into account the role of physical culture and sports in educating the next generation, the state aims to further improve sports, create a modern educational and material base, as well as increase the population's interest in sports. because sport, in defining the identity of the nation, its specific goals are to unite and unite, to demonstrate its potential and its power as a nation, to the world.

15-16 ЁШДАГИ ФУТБОЛЧИЛАРНИ ҚЎЛ ВА ОЁҚ КУЧИНИ ҲАРАКАТЛИ ЎЙИНЛАР ЁРДАМИДА РИВОЖЛАНТИРИШ

ЎзМУ катта ўқитувчиси Рўзметов Расул Тангирберганович

УрДУ ўқитувчиси Рўзметов Азизбек Тангирберганович

Тошкент Тиббиёт Академияси ўқитувчиси Раҳимова Мунира Полвонбоевна (Урганч филиали)

Мамлакатимиз спортини ривожлантириш соҳасида тубдан ўзгаришлар амалга оширилмоқда. Давлатимиз жисмоний тарбия ва спортнинг келажак авлодни соғлом қилиб тарбиялашдаги ўринини хисобга олиб, спорт ишларини янада такомиллаштириш, унинг замон талаблари даражасида ўқув ва моддий-техник базасини яратиш хамда ахолининг спортга бўлган қизиқишини ошириш йўлида мақсадли давлат миқёсидаги тадбирлар ишлаб чиқилиб хаётга тадбик этилмоқда. чунки спорт миллатнинг ўзлигини англашда унинг аниқ мақсадлари сари жипслашувида ва бирлашувида, ўзидаги бор салоҳиятини хамда миллат сифатидаги қудратини, жаҳон узра намоён этмоқда.

Юксак спорт ютуқларининг мавқеи мусобақаларда рақобатчиликнинг кескинлашиши ҳамда мамлакат терма жамоалари спортчилари авлодларининг оммалашishi қонуний жараёни ҳозирги даврда спорт танлови ва истиқболли ёшларни тайёрлаш илмий-асосланган асосларини такомиллаштириш зарурлигини белгилаб беради.

Куч сифатини нафақат болаларда, балки барча ёшдаги спортчиларда ривожлантириш ниҳоятда эҳтиёткорликни талаб қиласди.

Айрим мураббийлар қисқа муддат ичida жисмоний сифатларни ривожлантиришни жадаллаштириш, тезроқ малакали спортчи тайёрлаш мақсадида махсус ва ихтисослашган машқларни зўрма-зўраки қўллайдилар. Тўғри, айрим ҳолларда, яъни агар боланинг наслий ва индивидуал жисмоний имкониятлари серзахира бўлса, бундай бола тез орада яхши спортчи бўлиб етишиши мумкин. Аммо, аксарият ҳолларда бундай катта юкламали машғулотлар боланинг тез чарчashi, зўриқиши, хатто унинг касалланишига олиб келиши мумкин. Спорт амалиётида шундай ҳолатлар ҳам учрайдики, бир-бирига ўхшаш мунтазам бериладиган машқлар спорт билан энди шуғулланишни бошалган болада қизиқишини сўндиради, унда спортга бўлган ихлос йўқолади, пировардида у спорт билан шуғулланмай қўяди. Шунинг учун ёш спортчиларни тайёрлашда, айниқса дастлабки ўргатиш босқичида жисмоний сифатларни ривожлантириш, техник-тактик маҳоратини шакллантира бориш учун ҳаракатли ўйинлардан фойдаланиш жуда фойдали ва ўта муҳимдир.

Илмий-назарий жиҳатдан куч сифатларини ривожлантиришга машқларнинг фойдали кийматини билиш ва уларни ёш баскетболчилар тайёрлаш амалиётида қўллаш ўқув-тренировка жараёнининг принципиал масалаларидан биридир.

Чунончи, бизни натижаларимиз бўйича турникда тортилишнинг индивидуал кўрсатгичлари 0-4 марта (ўртacha 2,05 марта), горизонтал ҳолатда қўлларни букиш-ёзиш 6-11 марта (ўртacha 7,33 марта), жойдан вертикал сакраш 28-40 см (ўртacha 33,2 см) ва 15 кг юкни елкага қўйиб ўтириб-туриш 4-6 марта (ўртacha 4, 91 марта) ни ташкил этди.

1-жадвал

Ёш футболчиларда куч сифатини ривожланганлик даражасининг индивидуал кўрсатгичлари

T/p	Ф.И.О	1	2	3	4
1.	Абдуллаев Э.	4	7	32	5
2.	Жумабоев Ф.	2	8	30	4
3.	Эгамберганов Ш.	2	6	30	6
4.	Худайберганов С.	5	7	28	5
5.	Ибрагимов А.	1	6	36	4
6.	Мусаев Х.	3	9	40	6
7.	Матякубов И.	2	11	35	4
8.	Дурдиев Ф.	1	9	33	4
9.	Асқаров И.	0	6	34	6
10.	Машарипов С.	2	6	30	5
11.	Фозилов М.	3	7	36	4
12.	Хамидов У.	2	6	34	6
ЖАМИ:		2,09	7,33	33,2	4,91

Изоҳ: 1 – Турникда тортилиш;

2 – Горизонтал ҳолатда қўлларни букиш-ёзиш;

3 – Жойдан вертикал сакраш;

4 – 15 кг юкни елкага қўйиб ўтириб-туриш.

Ваҳоланки, В.П. Стакионене ва В.Ю.Гядивилас (1989) ларнинг натижалари бўйича шу ёшдаги баскетболчи болаларда турникда тортилиш 2,6 – 3,2 мартани, горизонтал ҳолатда қўлларни букиш-ёзиш – 8,3-10,7 марта, жойдан вертикал сакраш 43,4-46,4 смни ташкил этади.

Шу ёшдаги волейболчи болаларда жойдан вертикал сакраш 37-38 смга teng бўлган (Ю.Д.Железняк, 1977) Ю.Н.Клешев ва А.Г.Фурманов (1979) ларнинг натижалари бўйича шу ёшдаги волейболчи болалар учун жойдан тик сакраш мөъёрий кўрсатгичи –«2» баҳо учун 26,2 см; «3» баҳо учун – 35,1; «4» баҳо учун – 44,1; «5» баҳо учун – 44,2 см. га teng бўлиши лозим.

Л.С.Дворкин (1982) нинг таъкидлаши бўйича турникда тортилиш 11-12 ёшда 7 маратадан ортиши керак. Р.А.Роман (1970) нинг фикрига мувофиқ эса бу кўрсатгич 10 мартадан ҳам ортиши даркор экан.

Турли муаллифлар томонидан олинган кўрсатгичларнинг ҳар ҳил даражада бўлиши муайян объектив ва субъектив вазиятлар билан изоҳланиши мумкин. Масалан, тестларни қўллашда ва натижаларни ўлчашда стандартизатсия принципига бир ҳилда ёндошмаслик, болаларнинг жисмоний тайёргарслиги бир ҳилда бўлмаслиги, шуғулланганлигига қанча вақт бўлганлиги билан таққослаш каби омиллар эвазига олинган натижалар ҳар ҳил бўлганлиги мумкин. Ёки спорт тўгарагида олиб борилаётган машғулотларда қўлланиладиган машқларнинг мазмуни, йўналиши ва самарадорлиги билан ифодаланиши мумкин.

Биз, ана шу эхтимолни аниқлаш учун педагогик тажриба ўтказдик ва қуидаги натижаларни олишга мүяссар бўлдиқ. Маълумки, педагогик тажриба давомида назорат гурухи анъанавий мазмундаги машғулотларда иштирок этган бўлса, тажриба гуруҳида куч сифатини ривожлантиришга мўлжалланган маҳсус харакатли ўйинлар (ўйинсимон эстафета машқлари) қўлланилган эди.

2- жадвал

Назорат ва тажриба гурухларида куч сифатини педагогик тажриба давомида ўсиш динамикаси

Тестлар	Назорат гурухи	Тажриба гурухи
Турникда тортилиш	<u>2,1</u> 3,6	<u>2,0</u> 6,8
Горизонтал ҳолатда қўлларни букиш-ёзиш	<u>7,0</u> 10,2	<u>14,8</u>
Жойдан вертикал сакраш	<u>32,4</u> 35,2	<u>31,8</u> 42,6
15 кг ли юкни елкага қўйиб ўтириб-туриш	<u>6,2</u> 8,6	<u>6,0</u> 13,4

Изоҳ: маҳраж – тажрибадан аввал
нисбат – тажрибадан кейин

Жадвалдан кўриниб турибдики, педагогик тажрибадан аввал икки гурухда ҳам куч кўрсатгичлари деярли бир-биридан кескин фарқ қилмаган. Лекин, тажриба якунида икки гурухга мансуб баскетболчи болаларда куч кўрсатгичлари кескин фарқли динамик ўзгариш билан ифодаланади. Жумладан, назорат гуруҳида турникда тортилиш 2,1 мартадан 3,6 марта, горизонтал ҳолатда қўлларни букиш-ёзиш 7 мартадан 10,2 марта, жойдан вертикал сакраш 32,4 см дан 35,4 см га, 15 кг ли юкни елкага қўйиб ўтириб-туриш 6,2 мартадан 8,6 марта ўзгарди. Ушбу кўрсатгичлар тажриба гуруҳида эса қуидаги динамик хусусиятга юга бўлди: 2,0 – 6,8 марта; 7,2 – 14,8 марта; 31,8 – 42,6 см; 6,0 – 13,4 марта. Агар, икки гурухда олинган натижалар таққосланадиган бўлса, унда назорат гуруҳида қўлланган анъанавий мазмундаги машғулотлар куч сифатини тез суръатлар билан ривожлантириш «кучи» га эга эмас эканлиги кўзга ташланади. Аксинча, тажриба гуруҳида қўқланилган ноанъанавий ўйинсимон эстафетали машқлар тажриба гуруҳида ўрганилаётган куч кўрсатгичларини анча самараали ривожлантирганилиги кузатилди.

Олинган натижалар бўйича яна бир нарса кўзга ташланадики, қўлларни букувчи кучи (турникда тортилиш), қўлларни ёзувчи кучи (қўлларни букиш-ёзиш) дан анча заиф ривожланган экан. Кўл кучи сифатларининг бундай асимметрик тарзда ривожланганлиги, масалан баскетболда саватга аниқ тўп тушириш, тўпни илиш ёки узатиш самарадорлигига салбий таъсири этиши, мумкин.

Оёқ кучи сифатларини ҳам яхши ва симметрик равишда ривожланган деб бўлмайди. Албатта, куч сифатларини аниқлашда, айниқса қўл ва оёқларнинг букувчи ва ёзувчи кучини ўрганишда ҳар бир текшириувчининг ўз вазни ҳам муҳим аҳамиятга эгадир. Агар уларнинг вазни, таҳминан 40-45 кг га тўғри келса, демак назорат гуруҳи ўз вазнини 2,1 марта турникда кўтарган ва 7 марта горизонтал ҳолатда кўтарган. Тажриба гуруҳи эса мувофиқ равишда 2,0 ва 7,2 марта кўтарган. 15 кг юкни эса назорат гуруҳи 6,2 марта, тажриба гуруҳи – 6 марта кўтарган ҳолос. Оғирликлар ва уларсиз кучни ривожлантиришга қаратилган машқларни ностандарт, ўйин ёки эстафеата тарзида қўллаш услубияти деярли педагогик фаолиятда учрамайди, учраса ҳам назорат остида жорий этилмайди. Ваҳоланки, психофизиологик жиҳатдан маълумки, айнан ўйин – эстафета тарзида бериладиган куч машқлари болаларнинг эмотсионал хиссини уйғотади, кайфиятини кўтаради, уларнинг мотивасион туйғуларини фаоллаштиради. Натижада, бундай машғулотлар юкламаси организмда чарчаш ва зўрикиш алломатларини муддатидан аввал вужудга келишига тўскинлик қиласи. Юкламалар таъсири ижобий кечади.

Демак, мураббийлар ўз фаолиятида, айниқса ёш спортчилар жисмоний тайёргарлигини шакллантиришда юкламаларни юқорида қайд этилган принципда қўллашлари лозим бўлади.

Агар елкага қўйилган 15 кг юкни шугулланувчилар вазнига нисбатан 35,3% деб аниқланадиган бўлса, унда албатта, шу юк билан 6,2-6,0 марта ўтириб-туриш ниҳоятда кам деб хуоса қилиш мумкин. Чунки, мутахассис-омиларнинг таъкидлашича тренировка машғулотларда кучни ривожлантириш учун шугулланувчи ўз вазнига нисбатан 70-75% га teng оғирликлар билан машқ қилиши тавсия этилади. Тўғри, қайд этилаётган фоиз оғирликлар билан бажариладиган машқларнинг моҳиятига қараб ўзгариши мумкин. Масалан, кучланиш сақлаб туришга қаратилган статик куч машқларини бажарганда юкнинг фоизи шугулланувчи вазнига нисбатан 20-25% гача камайиши лозим ва аксинча динамик куч машқлари билан шугулланганда юк 70-75% ни ташкил этиши керак. Масаланинг шундай тарзида қўйилиши муайян холатларда шугулланувчининг жисмоний ва функционал имкониятлари ҳамда унинг кучга бўлган иш қобилиятига боғлиқ бўлади. Бошқача қилиб айтганда биринчи навбатда мураббий машғулот давомида фойдаланаётган оғирликлар ёки оғирликсиз ижро этиладиган куч машқлари орқали кучнинг қайси турини ривожлантирмоқчи эканлигига қараб, шу оғирликларни фоиз даражаси ўзига хос булиши даркор. М.А.Годик (2006) нинг таъкидлашича замонавий спорт амалиётида «куч» атамаси «куч сифати» эмас, балки «куч сифатлари» деб аталиши керак. Чунки ушбу сифатни тарбиялаш лозим бўлган ва ҳар бир спорт турида шу спорт турининг хусусиятига қараб кучнинг қайси тури устувор эканлигини эътиборга олиш ўта муҳим масаладир. Масалан кучланишни бир маромда сақлаб турувчи статик куч ёки шундай статик кучга бўлган чидамкорликни тарбиялаш учун ўзига хос услугуб ва ўзига мос восита (машқ) лар мавжуддир.

Фойдаланилган адабиётлар рўйхати

1. Матвеев Л.П., Мельников С.Б. Методика физического воспитания с основами теории. Учебное пособие. Москва, «Просвещение», 1991.
2. Клещёв Ю.Н., Фурманов А.Г. Юный баскетболист. М., 2003. 230с.
3. Лисица А.И. Подвижные игры в начальных классах. М.: 1991.